



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1100. Usque Ad Annum 1143

**Fleury, Claude**

**August. Vind. [u.a.], 1762**

**VD18 90117999**

§. 19. S. Brunonis extrema.

---

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæcul. XII.  
A.C. 1101.

## §. XIX.

*S. Brunonis extrema.*

*vit. ap. Sur.* Anno superiore, millesimo centesimo  
*6. Oct.* primo, S. Bruno Carthusianorum  
Fundator, in suo Monasterio Squillacensi  
in Calabria, Sancto fine animam reddi-  
dit. Cum brevi moriturum se sentiret,  
convocata Congregatione, totam vitæ  
suæ seriem ab unguiculis ad modum  
Confessionis Generalis enarravit. Tum  
longiore sermone fidem suam de Trini-  
tate exposuit, subjungens: *Credo etiam*  
*Sacramenta, quæ Ecclesia credit & reve-*  
*retur, speciatim vero, panem & vinum,*  
*super Altare consecrata, esse verum Cor-*  
*pus Domini Nostri Jesu Christi, veram*  
*ejus carnem & verum Sanguinem, quem*  
*in remissionem peccatorum nostrorum &*  
*in spem Salutis æternæ accipimus. (\*)*

Dominica sequente die sexta Octo-  
bris felici morte ad Cœlestia translata  
est beata anima; corpus vero post Alta-  
re majus Ecclesiæ illius Monasterii S. Ste-  
phano Sacræ sepultum. Carthusiani de-  
inde, pro more sui Ordinis, missis in va-  
rias

(\*) Ein auserlesenes Zeugniß wider die Prote-  
stanten! Oder hat vielleicht der Heilige Bruno  
nicht gewußt, welches die Meynung der wahren  
Kirche sey, und was in den Kirchenversammlun-  
gen erkläret worden?

rias provincias & usque in Angliam li- Sæcul. XII.  
 teris, Patris sui obitum nunciarunt, pre- A.C. 1101.  
 cesque pro anima defuncti peragi popo-  
 scerunt. Porro quarundam Ecclesiarum  
 literæ responsoriæ usque ad nostram æta-  
 tem conservatæ sunt, in quibus S. Bruno- *ibid.*  
 nis Elogia plerumque versibus continen-  
 tur, & plerique Clericorum fatentur,  
 non tam ipsorum precibus S. Brunonem,  
 quam ipsos Sancti viri ad Deum inter-  
 cessione indigere. In iisdem Responso-  
 riis Ecclesia Remensis Brunonem, alu-  
 mnum suum, agnoscit & testatur, San-  
 ctum Virum in prospero rerum suarum  
 cursu, cum divitiæ affluerent, & hono-  
 res blandirentur, Sæculo nuncium mi-  
 sisse. Ecclesia Parisiensis defunctum Bru-  
 nonem, Doctorum gloriam, Andegaven-  
 sis Doctorum Magistrum appellat, & ad-  
 dit, non nisi solertissimos sublimis ejus  
 Sapientiæ capaces fuisse. Omnes ferme  
 insignem viri Doctrinam laudant.

Cum S. Bruno, ex quo Sæculi pom-  
 pæ valedixerat, nihil magis quam latere  
 cupiisset, suisque Discipulis parem silen-  
 tii & latebrarum amorem insinuasset, ne-  
 mo illa ætate vel ejus vitam, vel Ordinis  
 fundati Historiam literis mandavit, nec  
 prius tantæ Sanctitatis Vir quam post an-  
 nos plus quam quadringentos a Leone X.  
 Papa solemnni Ritu Sanctorum numero  
 adscriptus est. Retuli, quæ de eo Gui-  
 bertus

Sæcul. XII. bertus Abbas Nogentinensis illius avi  
 A.C. 1101. Scriptor dicit, & hic adjiciam, quæ Pe-  
Sup. lib. trus Venerabilis Abbas Cluniacensis, in  
 LXIII. §. quodam Opere, exinde post annos circi-  
 50. ter quinquaginta scripto, commemorat.  
 II. Mirac. In Burgundia, inquit, datur Ordo Mona-  
 c. 28. sticus Sanctitate & Regulari observantia  
 S. Brunonis præ multis aliis commendandus, nostra  
 Institutum. ætate institutus a quibusdam viris doctis  
 & Sanctis, scilicet a Magistro Brunone  
 Coloniensi, Magistro Landuino Italo, &  
 aliquot aliis viris, vere magnis, vere Deum  
 timentibus. Hi, experientia docti, quan-  
 tum socordia & tepor non nullis antiquiori-  
 bus monachis nocuerit, efficaciora remedia  
 sibi suisque Sectatoribus contra cunctas Dæ-  
 monis insidias pararunt. Ut vanam glo-  
 riam & superbiam fugiant, vestitu majo-  
 rem paupertatem & sui contemptum quam  
 ceteri viri Religiosi profitentur; quoniam  
 tam curtus, tam arctus, tam pilosus, tam  
 illotus est eorum habitus, ut conspicientes  
 horror perterreat. Ut avaritiæ radicem  
 evellerent, circa Cellulas suas certa terræ  
 spatia, pro fertilitate vel sterilitate soli  
 minora vel latiora sibi definierunt; nec  
 ultra hos terminos vel pedem unum, etsi  
 ipsis totus mundus offerretur, acciperent.  
 Eadem ex causa numerus pecorum, boum,  
 asinorum, ovium vel caprarum præscri-  
 ptus est. Ne vero necessarium sit vel fun-  
 dos, vel armenta augere, statuerunt, ut in  
 perpe-

perpetuum singula monasteria haud pluri-  
 bus membris, quam duodecim monachis  
 cum Priore, qui esset decimus tertius, fra-  
 tribus Conversis octodecim & paucis fa-  
 mulis, mercede conductis, constarent.

Sacul. XII.  
 A.C. 1101.

Ut corpus suum doment, semper aspe-  
 ra cilicia ad carnem gerunt, & propemo-  
 dum continua sunt jejunia. Non alio pa-  
 ne quam furfureo vescuntur, vinum tanta  
 aquæ copia diluunt, ut gustum non deleat.  
 Carnes nec sani, nec ægroti comedunt.  
 Pisces nullos emunt; si vero Benefactorum  
 charitas aliquos sponte offerat, accipiunt.  
 Caseo aut ovis tantum in die Dominica &  
 Feria quinta refici licet, Feria tertia &  
 Sabbato legumina aut cocta olera come-  
 dunt, Feria quarta & sexta solo pane &  
 aqua contenti sunt. Semel tantum in die  
 manducant, excepta octava Natalis Domi-  
 ni, Paschæ, Pentecostes, Epiphaniæ & quo-  
 rumdam aliorum Festorum. In Cellulis  
 separatis, more veterum Monachorum in  
 Ægypto, degunt, nunquam non Lectioni,  
 orationi, labori manuum, præprimis de-  
 scribendis libris vacant. Horas quoque  
 minores, dato in Campanili Ecclesiæ signo,  
 in cellulis recitant. Sed omnes ad Vesperas  
 & Matutinos celebrandos in Ecclesia  
 congregantur, ubi miro devotionis & at-  
 tentionis exemplo adstant. Diebus Festis,  
 in quibus bis reficiuntur, omnes Horas in  
 Ecclesia decantant, ac in Refectorio post  
 Sex-

Sæcul. XII. *Sextam, tumque post Vesperas, mandu-*  
 A.C. 1102. *cant. Illis etiam tantum diebus & in Do-*  
*minicis Missam celebrant. Legumina, quæ*  
*eis parce dantur, ipsi coquunt. Et vinum*  
*extra præscriptum refectiois tempus nun-*  
*quam bibunt. Hunc in modum Petrus*  
*Venerabilis vitam Carthusianorum, qui,*  
*ut ita dicam, ipsius oculis obversabantur,*  
*nobis exhibet.*

## §. XX.

*Concilium Romanum.*

**R**ex juvenis Conradus eodem anno mil-  
 lesimo centesimo primo, ex quo ab  
 Henrico Imperatore parente suo defece-  
 rat, nono, rebus humanis ereptus est. Is  
 interea in Italia regnaverat, consiliis Papæ  
 & Mathildis Principis obsequens. Sunt,  
 qui veneno ipsum interiisse dicant, & non  
 nullis miraculis ejusdem exequias fuisse  
 illustratas. Anno sequente Henricus Im-  
 perator suadentibus Germaniæ Principi-  
 bus denunciavit, iturum se Romam, &  
 Concilium ad primam diem Januarii con-  
 vocaturum esse, in quo Regia & Pontifi-  
 cis causa examini subjiceretur, & inter  
 Imperium ac Sacerdotium concordia re-  
 vocaretur. Sed fidem fefellit, neminem  
 qui ipsius nomine Pontificis auctoritati  
 se submitteret, misit; contra certis indi-  
 ciis proditum est, Henricum id fuisse ma-  
 chinatum, ut alius præter Paschalem  
 Papa

*Abb. Urspe.*  
*an. 1101.*

*an. 1102.*

*to. 10. Conc.*  
*p. 727.*